



R24-49

3

醫學三字經小引

童子入學塾師先授以三字經欲其便誦也
識途也學醫之始未定先授何書如大海茫
茫錯認半字羅經便入牛鬼蛇神之域余所
以有三字經之刻也前曾托名葉天士取時
俗所推崇者以投時好然書中之奧旨悉本
聖經經明而專家之伎可廢謝退谷於注韓
書室得繕本惠書千餘言屬歸本名幸有同

志。今付梓而從其說。而仍名經而不以為僭
者。採集經文。還之先聖。海內諸君子。可因此
一字而共知所遵。且可因此一字而不病余
之作。嘉慶九年歲次甲子八月。陳念祖自題
於南雅堂。

閩陳修園著

經醫學三字

南雅堂藏板

目錄

卷一

源流

中風

虛癆

咳嗽

瘧疾

痢疾

心痛

腹痛

胸痺

膈食

反胃

氣喘

血症

水腫

脹滿

卷二

三字經

李少平印

蟲脹

暑疾

泄瀉

眩暈

嘔吐逆 噦 呃

癰

狂

癰

五淋

癰閉

濁病

遺精

疝氣

痰飲

消渴

傷寒

瘧疾

婦人

小兒

卷三

藥方

卷四

藥方

附錄

陰陽

識一字便可為醫說

臟腑

十二官

三字經

目錄

心說

肝說

脾說

肺說

腎說

胃說

膽說

大腸小腸說

三焦說

手心主說

膀胱說

命門說

經絡

四診

望色

聞聲

問證

切脉

運氣

張飛曠運氣不足憑說

李少卿印

醫學三字經卷一

閩吳航陳念祖修園著

男
元豹道彪古愚
元牟道照靈石
全校

醫學源流第一

醫之始

本岐黃

黃黃帝也。岐岐伯也。君臣問答。以明經絡藏府運氣治療之原。所以為醫之祖。誰神農本

經。在黃帝之前。而神明用藥之理。仍始於內經也。

靈樞作

素問詳

靈樞九卷。素問九卷。通謂之內經。漢書藝文志載黃帝內經十八篇是也。醫門此書。即業儒之五經也。

難經出

更洋洋

洋洋盛大也。難經八十一章。多闡發內經之旨。以補內經所未言。即間有與內經不合者。

其時去古未遠。別有考據也。○秦越人。號扁鵲。戰國人也。著難經。

越漢季

有南陽

張機字仲景。居南陽。官長沙漢人也。著傷寒雜病論。金匱玉函經。

六經辨

聖道彰

內經詳於鍼灸。至伊尹有湯液治病之法。扁鵲倉公因之。仲師出而雜病傷寒。而以方藥為治。其方俱原本於神農黃帝。相傳之經方。而集其大成。

傷寒著

金匱藏

王肯堂謂傷寒論義理如神龍出沒首尾相顧鱗甲森然。○金匱王西示寶貴秘藏之意也。其方非南陽所自造乃上古聖人相傳之方。所謂經方是也。其藥悉本於神農本草。非此方不能治此病。非此藥不能成此方。所按必效。如桴鼓之相應。

垂方法

立津梁

仲師醫中之聖人也。儒者不能舍全聖之書而求道。醫者豈能外仲師之書以治療。

李唐後

有千金

唐孫思邈華原人。隱居太白山。著千金方。千
金真方。各三十卷。宋仁宗命高保衡林億校
正。後列禁經二卷。今本分為九十三卷。較金
匱雖有浮泛編雜之處。而用意之奇。用藥之
巧。亦自成一家。

外臺經

重醫林

唐王焘著外臺秘要四十卷。分一千一百
四門。論宗巢氏方多秘傳。為醫門之類書。

後作者

漸浸淫

等而下之。不
足觀也已。

紅紫色

鄭衛音

間色亂正。
靡音忘倦。

迨東垣

重脾胃

金李杲字明之。號東垣老人。生於世宗大定
二十年。金亡。入元十七年。乃絳年七十二。舊

本亦題元人。作脾胃論辨惑論。蘭室秘藏。
後人附以諸家。今刻有東垣十書傳世。

溫燥行

升清氣

如補中益氣。及升陽散火之法。如蒼朮白朮
羌活獨活木香陳皮葛根之類。最喜用之。

雖未醇

亦足貴

人謂東垣用藥如韓信將兵。多多益善。然駢
雜之處。不可不知。惟以脾胃為重。故亦可取。
若河間

專主火

金劉完素字守真河間人。事蹟俱詳
金史方技傳。主火之說始自河間。

遵之經

斷自我

原病式十九條俱本內經全真要大論多以
火立論而不能悉透經旨如火之平氣曰升
明火之太過曰赫曦火之不及曰
伏明其虛實之辨若水炭之反也。

一二方

奇而妥

如六一散防風通聖散之
類皆奇而不離於正也。